



## **Universitätsbibliothek Paderborn**

**Symma Practica Theologiae Mysticae**

**Gelen, Victor**

**Coloniae Agrippinae, 1652**

Articulus Tertius. Quod dein totum compositum hominis colliquescat in  
vnum, cum diuina voluntate.

**urn:nbn:de:hbz:466:1-9766**

percipiat, cuius anima non prius omnem escam abominata fuerit, & quidquid te summum Bonum non pure sapit, in nauseam conuerterit: non quidem intenso cruciatu dolens, ut prius; sed magis lachrymosa distillatione contestans, quia ille est, qui eleætus ex milibus adhærere fecit animam suam post ipsum. & certè, nec omnia ista adhuc ad perfectam dispositionem modi operandi supernaturaliter sufficere, ex sequentibus constabit: vnde dicimus;

*Quod dein totum compositum hominis  
colliquefacat in unum, cum divina  
voluntate.*

#### ARTICULUS TERTIUS.

**A** Dhuc unum a modicum est, & ego communabo cælum, & terram & mare, & aridam. ac si diceret: ô pia anima, sicut ad depurationem amotis necessarium est, vt à summo status contemplationis descenderes, vsque ad inferiora quæque, & præhabitatis fruitionibus destituereris; ac in medio præuationis, susque, deque agitareris varijs animi passionibus, quo usque in te reuelarentur fundamenta orbis terrarum, & omnes abominationes cordis tui tibi clare patenter. ita tandem iam in fine, cælum intelleætualis viuacitatis, & terra amicabilis voluntatis, pro ultimo quoque depurari debent: quo usque simul mare, & arida, ac omnes potentiae in unum colliquefacant, confluantque in

pulchram imaginem, & Deo dignam habitationem; nihilque amplius adstet, quod supernaturalis amoris unionem præpediat. cum ergò hoc loco expleuerit inte omnem voluntatem suam omnipotens, qui conturbauit te; Ipse quoque molliet cor tuum, & auferens cor lapideum, dabit cor carneum. nunquid enim in æternum projectet Deus, aut non apponet, vt complacitor sit adhuc? aut in finem obliuiscetur misericordia sua? haudquaquam profectio, hinc enim sponsa Christi dicit; anima mea liquefacta est, vt dilectus locutus est; ac si diceret: statim, vt locutus est, qui prius scilicet in tam pœnosa sui absentia, & durissimæ luctæ tolerantia se se absconderat, ita, vt in tenebris spiritus mei, & mystico progressu perisse videatur; statim, inquam, vt locutus est, molliuit cor meum omnipotens, qui conturbauit me; & cognoui verè, quod nihil sit mundum in conspectu eius, quodque nihil coinquinatum possit intrare in regnum cælorum, nec eius familiari consortio frui in terra; nisi prius transierit per ignem & aquam, vt argentum purgatum septuplum, & aurum in in camino temptationis. Quis igitur mihi b det vt veniat petitio mea, & quod expecto tribuat mihi Deus, & qui cœpit ipse me conterat, soluat manum suam, & succidat me, & hæc mihi sit consolatio, vt affligens me dolore non patcat, nec contradicam sermonibus sancti sed in toto me, & in omnibus animæ viribus

a Agg. 1. b 166.

viribus sit mihi pro ipsa beata vita , voluntas eius ; in quam etiam toto composito meo cum spiritu, anima, & corpore resoluti exopto ; & tanquam aurum in igne liquefactum, in imaginem illius qui creauit me , colliquescere, & reformari toto corde desidero . & cum ipse solus sit , & nemo possit euertere cogitationem eius, & anima eius, quodcumque voluit, hoc faciat ; ego quoque ad nutum voluntatis eius , quam viuacissimè in me sentio, in nidulo meo moriar, ad duritia cordis mei , tanquam cera ad beneplacitum ignis disfluenus ; ac sicut palma multiplicabo dies , quæ omnes temporum iniurias, caloris scilicet, & frigoris, glaciei, niuis, pluviæ, ventorum, & quarumlibet tempestatum, vententibus, & quasi ridentibus folijs, æquali integritate , & constantia sustinet.

Et iure merito quidem , ô pia anima, tibi est vita in voluntate eius , cum ita Deus molliuerit cor tuum , ut tandem aliquando post tot querimonias, retractions, & anxietates , nihil usque adeò in nunc præsenti ita placeat , te toueat, & soletur , quam ut Deus in te expleat omnem voluntatem suam. sicut autem artifex , liquefactis metallis formam quamcumque voluerit, imprimit ; sic anima in illo statu , ad omnem diuinæ voluntatis nutum, se facile applicat: imò spontaneo quodam desiderio, ad omne eius arbitrium seipsum accommodat , & iuxta diuini beneplaciti modum , omnem voluntatem suam informat , ut obediat cum Christo usq; ad mortem:

integra harmonia totius compositi humani , benignè consentiente. quam autem perfectè pia anima in hoc statu Christum Dominum sequatur , iam consequenter dicemus ,

*Priuatio hæc rigida est essentialis imitationis passionis Domini nostri Iesu Christi.*

## ARTICVLVS QVARTVS.

**R**ecogitate eum a quietalem sustinuit à peccatoribus aduersus semetipsum contradictionem : ut ne fatigemini, animis vestris deficientes. ac si diceret , ô pia anima, licet omnia quæcumque facis in verbo, & opere, omnia in nomine Domini nostri Christi facias, gratias agens Deo per ipsum ; ita ut in omnibus actionibus semper habeas præfixam bonam , ac rectam intentionem, per hoc quod magis , & principalius Dei honorem , & laudem , quam proprium commodum , vel solatium intendas : nihilominus obserues velim, eiusmodi intentionem directè ad incipientes, qui que non totis viribus, sed aliquo sui Deum respiciunt , pertinere. iam vero cum amoris deficientia diu persevereret, magis que inties accreuerit, ita ut tandem in ipsum mare doloris, anxietatis, & tristitiae proiecta videaris; ne forte tonitruo magnitudinis Eius suppressa, & in merito inanis , & in partiendo pusillanimis reddaris : oportet ut toto desideria, tota mente, tota voluntate, totoque corde recognites, com-

Y 3

patia-

a Hebr. 12.